



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hippoensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. III. D. Augustinus Episcopus ægerrimè diøcesim egreditur.

urn:nbn:de:hbz:466:1-42857

suas in publico congressu , excipientibus disputationem Notariis , ad extremum Manichæorum hæresim ciurans , Catholicon partes est secutus. Quo postmodum Felice suosmet complices, quibuscum antè senserat, oppugnante, tantum hæc impietas per eam regionem est comprehensa , ut nemo deinceps in publico eius patronum se præstare, vel Augustinum in arenam prouocare fuerit ausus . Quem timorem auxit Faustus in primis Episcopus, huius perfidię iam pridem doctor, quem ipse vicissim Augustinus triginta scriptis in eum libris ita confutauit ante Præsidem , ut eiusdem lege iussus solum vertere, quamvis pœnâ infra meritum, ex Africâ sit in insulam relegatus.

CAPVT III.

D. Augustinus Episcopus ægerrimè diœcesim egreditur.

His ergo tam vtilibus occupationibus intentus Augustinus, cùm & hosce lupos ab ouibus suis atceret, suoque gregi de pascuis salubribus prospiceret, ægerrimè diœcesim suam egrediebatur: eosque Pastores qui nonnumquam iusto diutiū aberant in aulā Carthaginensi, grauiter incusabat, dicens, Pastorem numquam debere, nisi forsitan iusti ponderis rationem, suis ouibus

*vbi oues, ibi bus abesse, propter ea damna, quæ solent
pastor.* Episcoporum absentiam subsequi. Et cùm amicus quidam obnixiùs eum rogaret, ut Carthaginem proficiseretur, quâ in vrbe complures Episcopi moram trahebant: respondit ille, non ita se liberum à negotiis & expeditum esse, vt tempore abundaret; sed neque sibi dignitatem Episcopalem obtigisse, vt subditorum curam negligeret: quin & ampliùs vereri, quantamuis adhiberet diligentiam, ne supremi iudicij die negligentiæ argueretur. Addebat, Carthaginem salutem haud posse conferre, neque Proconsulis curiam apud Deum excusare Episcopum illum, qui Ecclesiæ propriæ curam remisisset. Egrediebatur tamen subinde, videlicet cùm non ambulandi cupido, verùm Conciliorum indicta dies, aut commune Reipub. bonum, aut mutua caritas iter suscipere suaderent.

CAPVT IV.

Legatione fungitur ad Imperatorem Honoriūm contra Donatistas: quibus reducendis etiam Episcopatum eis cedere paratus erat.

QVARE inualesce[n]te hæreticorum feritate, ipse cum aliis Orthodoxæ communionis Episcopis ad Imperatorem Honoriūm legationem contra Donatistas accepit;